

今曰之歐洲

鄧公玄編



商務印書館發行

鄧公玄編

今日之歐洲

商務印書館發行

中華民國二十三年十月初版

(98630)

今日之歐洲一冊

每冊定價大洋捌角

外埠酌加郵費函索

編述者 鄧公玄

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

版 翻
權 印
所 必
有 究

(本書校對者 朱廣福 陳秉全)

王

序

自歐戰以還，全世界均重入熔鑪，鑄成嶄新之社會，舉凡政治社會經濟各方面之思想，莫不大為改觀，而國際關係亦呈驚人之變化；論者以為此次演進，不啻與希臘城市國家之破滅，羅馬帝國之淪亡，文藝之復興，宗教之改革，新大陸之發現，法國革命之爆發，具有同等影響，誠非謬論。顧受歐戰影響最深，變革最劇者則無過於首當其衝之歐洲，而予吾人之教訓，亦以歐洲為最富。故吾人不欲洞明現代演變之情形則已，不然，則勢非深究現代之歐洲，不足以談今日之政治經濟，蓋歐洲實為一切演變之源泉，苟不揣其本，難齊其末也。

今日國內介紹歐洲政治經濟情事之書籍，雖云美不勝收，而能從整個歐洲作系統之研究者，尙感不足。本書之目的即在將歐洲各國過去現在未來之三方面，以分析方法個別述明，同時復以歸納原則綜合討論之。全書列為三編，第一編曰歐洲之歷史背景，自西羅馬帝國覆亡以來，政治經濟之演進，政治區域之形成，帝國主義之發展，歐洲大戰之因果，莫不一一探溯其淵源。第二編曰歐洲各國之現狀，舉歐戰以來政治區域之分化，制度之興革，經濟之轉變，國際之形式，咸為條分而縷析之，以明歐洲三十九個政治單位之內幕。第三編曰歐洲之經濟與政治，將整個歐洲經濟政治之變遷，作一概括之說明，凡世界經濟大衰落對於歐洲之影響，各國應付之策略；共產主義之試驗，法西主義之勃興；以及今後政治經濟國際關係之趨勢，俱有論列，以期獲得一貫之概念。同時又復旁及各大

陸相互之關係，故不獨對於歐陸情況而止也。

本書取材，多以英人 G. D. H. Cole & M. Cole 所著 “The Intelligent Man's Review of Europe Today”，爲參考之資料，再以其其他關於歐洲之著述及年鑑等，參合比較而成。其中當不免有疵謬或未詳盡之處，幸賢者有以教之。

目錄

第一編 歐洲之歷史背景.....	一
------------------	---

第一章 何謂歐洲.....	一
---------------	---

第二章 查倫梅時代之歐洲.....	六
-------------------	---

第三章 中世紀之歐洲.....	一一
-----------------	----

第四章 十五世紀至十八世紀.....	一二
--------------------	----

第五章 法國革命及其影響.....	三二
-------------------	----

第六章 帝國主義膨脹之時期.....	四五
--------------------	----

第七章 歐洲大戰及戰後歐洲之變遷.....	五二
-----------------------	----

第二編 歐洲各國之現狀.....	五九
------------------	----

第一章	人口與職業之分布	五九
第二章	芬蘭 愛斯通尼亞 拉特維亞 里沙尼亞	六四
第三章	波蘭	七二
第四章	羅馬尼亞	七九
第五章	巴爾幹半島	八三
第六章	匈牙利 奧大利 瑞士	九五
第七章	捷克斯拉夫	一〇四
第八章	德意志	一一〇
第九章	斯坎的那維亞	一三〇
第十章	比利時與荷蘭	一三八
第十一章	法蘭西	一四三
第十二章	西班牙與葡萄牙	一五〇
第十三章	意大利	一五八
第十四章	英國——大不列顛	一六二
第十五章	蘇維埃俄羅斯	一七四

第三編 歐洲之經濟與政治……………一八五

第一章 戰後之經濟……………一八五

第二章 世界經濟大衰落……………二〇〇

第三章 歐洲幣制問題……………二一二

第四章 歐洲商務之閉塞與關稅戰爭……………二二〇

第五章 戰後之歐洲新憲法……………二二六

第六章 意大利之法西斯主義……………二三三

第七章 德意志之國社黨……………二四三

第八章 蘇俄之共產主義……………二五〇

第九章 歐洲前途之展望……………二五九

今日之歐洲

第一編 歐洲之歷史背景

第一章 何謂歐洲

歐洲爲何？據大英百科全書之定義曰：「此爲地球上依習慣分割各大洲中之最小者也。」此種界說得用爲吾人敘述之起點。但歐洲在各個不同之時期，其所含之意義，亦不一致。在若干時期中，今日所謂歐洲之北部，實非歐洲之局部；而有時則北非洲與亞洲之北部或南部（或兩者）若干地帶，均概括於歐洲文明集團之內。即在今日，一般人已公認歐洲爲以烏拉爾，高加索及地中海爲疆界，但以政治關係，仍須將亞洲北部若干區域包含在範圍以內。

照上述範圍而觀察歐洲，則吾人在地形上，立見歐洲分爲相對之兩部分，即北方之廣原與南部之峻嶺是已。再就地圖由西向東而審視之，則見北方廣原起於法蘭西之北，其廣如帶，由此延至荷蘭，比利時，以達北德意志，益

形狹隘，再由北德意志起逐漸開展，延至巴伐利亞與奧大利之東部高原，更爲擴大，包含波蘭之全部而擴張至於里加灣 (Gulf of Riga)，由是更進而達於歐洲俄羅斯之大平原，此一大平原者，蓋由北冰洋延長及於黑海，除南烏拉山之岡陵起伏外，幾與中亞細亞之廣原湮沒一氣而不易辨別。倘旅客不諳語言，又不留心人之工作，則當其由德入波，由波抵俄時，固不易察其已越國界，蓋地形與植物極鮮區別也。

在此平原之南爲山地，亞爾卑斯山脈實爲之中軸。此山向西而行，由浩特沙懷 (Haute-Savoie) 與陶芬尼 (Dauphiné) 以至法蘭西之中南部，並由卑倫尼斯 (Pyrenees) 以至西班牙高原，向北而行，則形成爲黑山林 (Black Forest)，南德意志，奧大利，捷克諸山，與加帕新山之大山脊；向南而行，則爲亞平寧山及意大利其他各山，其陷沒入海，間或浮現於海面之山脊，如科西島等，皆爲此山脈蜿蜒而來者；至於向東而行則成爲不規則之山陵，其範圍包括巴爾幹全部，自此綿延而行，愈無規則，形成希臘半島及愛琴海諸島嶼，更重見於小亞細亞，其間不過略有間斷而已。此種山地自與平原不同，顯呈異彩。其中各個不同之山脈，高原，高峯，以及附屬之大小河谷，河流等皆極易辨識之。

至於北方平原之更北部，則又有山脈之起伏，如衛爾士，蘇格蘭之高地，——東英格蘭實爲大平原之一部分——以及挪威，瑞典之大山脈，並由芬蘭而達於俄羅斯最北各部。

吾人前已言之，北部大平原由挪曼底之海岸達於中亞細亞絕無間斷。然俄波間之蒲利泊 (Pripet) 隕田區域，雖未使平原間斷，而亦自成爲天然之障礙；其在芬蘭亦有同樣之障礙，——其實歐洲多數內地湖河均在芬

蘭——且在歐洲俄羅斯與亞洲俄羅斯之南部，其間雖無顯明障礙，而氣候則迥然不同。

若夫生產則隨各地氣候不同而各有差別。在南部地中海一帶爲葡萄橄欖之老家，但葡萄能耐冬日之嚴寒，惟須日光而成熟，故較橄欖生產地得伸入北方。橄欖區以北爲森林地帶，首爲櫟樹，次爲櫟與槲，又次爲槲木獨占區域，更北則櫟與樺楊並生，最北則惟松林存焉。松林之北爲冰凍地帶，雖松亦不能生長，其間但有北冰洋之矮林耳。森林地帶佔全歐大部份之領域，惟南俄羅斯之草原爲例外，蓋此地僅河流兩岸始能生長樹木，至於最著名之中俄黑土地帶則純爲櫟木之鄉。顧此等森林區域，至今雖仍有森林之遺留，固非全爲森林所彌蔓。若夫俄德兩國，其五分二之領土，固仍爲森林區焉。

森林已盡之境，有五穀生焉，——在溫和而較有庇護之地爲小麥，萊因河之北部與東部，如奧大利，亞爾卑斯山，及加帕新山，均產黑麥，而以大麥與燕麥爲其副產。但此等小麥與黑麥之生產並非有確定之界限，不過各國食小麥與黑麥麵包之區域略有辨識之可能而已。由美洲傳來之兩宗食品，一爲南方之玉蜀黍，一爲北方之馬鈴薯；最近則根類植物，亦頗發達，例如蘿蔔，瑞典蘿蔔，（大半用以飼牲畜）以及糖質蘿蔔等皆是。至如菸草則惟在南方生長，而棉花則僅在俄國之土耳其斯坦與穿士高加索諸省有之。

歐洲之交通及運輸，從大體上觀察，均屬優良。其天然工具，甚形豐足：一曰海洋，其間有無數之海灣與海岸曲折，以及波斯尼亞與里加等大海灣，使各國由海道往來，甚爲便利；其次爲河流，就中如尼倍（Dnieper），多腦，萊因與龍河等，蓋自有航運以來即已成爲孔道矣。而天然利便之外，復有人力增加之利器——其間有偉大之運河，法

蘭西之運河尤稱完善；其次至少在西部中部尚有鐵道網線，雖因戰前各國國家鐵道設計之關係，頗有效率上之損失，而除北美外，其完備仍足超越任何其他大陸之鐵道系統也。至其公路則各國差別尤多，有法國之偉大「國道」，由巴黎分達全國，（其設計之主要目的為供給法國軍事上之需要）以至中俄與若干巴爾幹各國之羊腸鳥道，無不具備。自內燃機關之降臨，其勢足使中歐西歐路政為之改良；第建設道路，需款孔多，而亟需道路之各國，甚為窮乏，故改良之事項，自不能不遲遲其行焉。至於航空交通，則在今日尚不敢斷然言之。但據吾人之偶然觀察，似以俄羅斯之航空前途最有希望，因其鐵道競爭既少，而其廣大平原又可免除降落之困難也。

通常一般人大抵視歐洲為工業化之區，而其實則未必盡然。據一九三三年之統計，歐洲全部人口二萬五千萬之中，其從事於農業、漁獵以外謀生者，尚不及一萬萬之多。即除俄羅斯不計，亦不足百分之五十；而在二十八國之中，僅有五國——即英、比、德、荷蘭、瑞士——其工人始超過農民之數目。歐洲工人咸聚集於煤礦區之附近，就中又有四個大集團，即英國煤區，比國煤區，法國煤區，西萊西亞煤區，以及南俄羅斯尚未十分發展之唐尼子煤區（Donetz Basin）是已。此外尚有較小之產煤區域，亦足吸引工業之繁榮；他如龍河之絲業，固可脫離煤炭而生存；最近復有水電之發展，如意大利，瑞士與斯坎的那維亞等處，均因缺乏煤礦，竭力發展其水電。惟水電仍在幼稚時期，故前途如何，殊難逆料耳。

從廣義言之，工業仍為西歐所專擅。其在東歐，則惟煤油最佔優勢，其餘工業不足觀焉。然此為就目前統計而言，蓋俄國豐富之礦產，至今剛纔開始掘發，其前途正自無量，故在一二代之後，歐洲生活之權衡，必大有變更焉。而

在今日吾人仍不能不視歐洲爲以農爲主，而東歐則純屬農業之區。所謂農業蓋謂賴土地生產之小麥，大麥，蕃薯，牛油，乾酪等爲其生活是已。東歐之農產，除自行消費者外，尚有餘剩輸出於西歐，以供鑛區工人之需要。此外亦有若干地方，其農業生產頗爲專門化，如丹麥人之牛乳業，與南法蘭西之葡萄園，卽人所周知之例證。惟在通常情形之下，則係「混合耕種」，其目的在求生產者生活上最切要物品之供給，而以其餘額交換工業品而已。是以歐洲大部份人民尙爲農民，如以英美生活程度爲衡則類屬窮乏。俄國之政治的商數固爲歐洲之最高者，而其生活標準實爲歐洲之最低者；匈牙利，波蘭，幽哥斯拉夫之農民，卽在世界經濟衰落以前，其生活程度，方之西歐各工業國家工人之生活，其相去亦不可以道里計。雖然，歐洲之農工，除澳洲與北美而外，其所享之物質生活，固仍較其他大陸爲優，斯吾人所不應忘卻者焉。

第二章 查倫梅時代之歐洲

歷史原爲繼續的，故吾人敘述歐洲歷史，卽從石器時代起，亦屬合理。惟此種事跡於現代之歐洲生活，無關宏旨，故吾人不如從羅馬帝國終了之時開其端。此種歷史上之承接點，大約在紀元後七百三十二年左右，卽當法蘭克酋長馬特爾（Charles Martel）阻止回教軍隊之前進，及紀元後八百年，教皇加冕於馬特爾之孫查倫梅，令其立爲天主教國皇帝之時。因此，吾人之研究，卽從第八世紀之後半期始。

當此之時，西羅馬帝國業已覆亡，在政治上佔最重要地位者卽爲東羅馬帝國，一曰比占廷帝國（Byzantine Empire）。比占廷帝國在一百年之間，因莫罕默德及其後嗣所領亞拉伯人之侵略，確已削弱不少；埃及，北非，敘利亞及米索不達米亞均已喪失，而小亞細亞之統治權，亦在動搖之中。然其所轄領土，仍包括小亞細亞，希臘，愛琴列島，以及現在巴爾幹諸國之全境。固仍巍巍然大國也。且比占廷帝國之文明，亦頗偉大。有自古代希臘傳來之傳統文明；有極發達之城市生活，其建築，藝術，裝飾等，俱極壯麗之能事。君士但丁堡之居民，其最高之度嘗達二百萬人，故得與近代巴黎等量齊觀，而較羅馬帝國之羅馬，或其他中世歐洲城市居民爲多。其財政亦異常鞏固，故所發金幣得以流行於全歐與近東之市場，而在軍事上則一再拒抗回教徒之侵入，故威望震於遐邇。

顯是時之中歐與西歐則已陷於混亂，賴查倫梅之努力，雖稍稍得蘇，而收效甚微。蓋當西羅馬帝國之式微也，

其傳授於野蠻臣民之政制，亦隨而衰敗。既不易覓得相當人物，具公忠體國之心，賴以執掌政權；則政府惟有將統治大權委於各大酋長或貴族代負保衛之責。城鎮以之而衰落，道路由是而阻梗，於是羅馬帝國之自由人與殘餘中等階級，均因危難之驅策，不問其爲自願或被迫，咸不得已而受人保護，甚至受某一大力者極端專制威力之庇佑。農奴之制由是而起矣。

當亞拉伯人之遠征（包括北非、西班牙、南意大利、西昔利與地中海其他島嶼），實行隔絕羅馬及耶教國與近東富庶區域之頃，此種趨勢遂日臻鞏固。蓋亞拉伯人與歐洲人之戰爭，純爲宗教之衝突，故耶教徒與回教徒斷絕商業往來；當時之歐洲惟西班牙、君士但丁堡，若干海島及威尼斯尙與地中海發生商業關係。但地中海之商業原爲羅馬帝國生命之源泉，今既斷絕，結果遂使耶教國迅陷貧乏。金幣絕跡於市場，而流通之中介僅有成色不一，種類互異之銀幣，同時並有回復原始社會物物交換之現象。於是羅馬之城市日就凋零，甚至完全消滅，因城市生活之衰落，國家經濟之困窮，文化藝術亦隨而低降。當中世開始之期，所有文化上科學、藝術、與文學之保存，皆爲教會寺院之功。

在查倫梅以前，實際直無政府之可言。當時雖有由各民族產生之語文互異之團體，亦有所謂王侯之名目，統治各種大小領域；然實際上之政權，乃係地方貴族把持之。此等地方貴族割據大小區域，形成事實上之最高主權，對於名義上之主人，但須貢獻勞役或課稅，同時管轄無數附庸之貴族與農民，此等農民或係奴隸或爲自由人民，皆須對於此等上層貴族貢獻勞役或貨物。此即歐洲當第八世紀大部分之社會情形；其範圍約括近代法蘭西、英

格蘭，日爾曼，以及奧大利，瑞士，北意大利等地。查倫梅竭力於統一之工作，事雖未成，而至少已造成秩序粗具之政府。同時對西班牙半島之回教徒（其後名曰莫亞人）施行攻擊，造成卑倫尼山陽之若干小王國。查氏復得以萊因河爲界之法蘭克舊有之兩王國統一之，更進而征服北意大利與日爾曼之一部，所謂耶教國遂粗具規模矣。西曆紀元後八百年，查倫梅因教皇之加冕，而成爲神聖羅馬皇帝，於是在理論上承認查氏爲西羅馬帝國所屬一切領土之統治者。此種神聖羅馬帝國之觀念，其影響於歐洲歷史者，吾人往後尙可見及之。

查倫梅在其所領區域以內，曾恢復相當之秩序，限制各地貴族若干行爲，擴充皇室司法權限，規定相當之租稅制度，建設封建社會之基礎，同時並提倡文化與教育。但查倫梅在政治上之努力，未竟其功，所以然者，即因其帝國太貧困，不能維持大規模之政府制度，其情形蓋與羅馬帝國末年如出一轍。故當其崩殂之時，其帝國即裂而爲三，即法蘭西，日爾曼，與介於其間之一帶地方，所謂羅薩陵吉（Lotharingia）者，而此即近代羅蘭（Lorraine）之名所由來也。此三部分，自是俱陷於混亂，而當查氏死後一百五十年左右，其帝國舊有領土，對於北方斯坎的那維亞半島維金斯人之劫掠，束手無策，聽其出沒或落居，而無所忌憚焉。查氏之社會工作固猶有存焉者，如學校依然存在，而封建主義且日就發展，惟其政治上之遺跡，對於後代歐洲之價值極爲可疑；就中僅有二點可述焉，一曰神聖羅馬帝國，一曰亞爾沙斯羅倫之問題是已。

「耶教國」之南爲西班牙半島，當時爲莫亞人之主教所統治——即回教教主所統治——故仍與近東聯絡，而在歐洲系統之外，所有上述黑暗時期之情形，西葡二國亦未嘗沾染及之。關於中世紀之歐洲歷史，幾盡由耶

教會著作之材料而來，然教會既極端仇視回教，遂使普通讀者，不知回教之統治，固非橫暴亦非黑暗焉。回教遠征隊固爲持劍傳教，但一俟征服一地時，固未嘗以酷虐方法強迫個人變爲回教信徒。異教徒確處於較低地位，其課稅亦較苛刻，然除此以外，則若輩仍得從事於正常活動，保持其政治組織。且回教徒本身之政治組織亦甚薄弱，彼此聯繫尤爲鬆懈，故西班牙回教教主實際得以脫離外間之干涉。抑有進者，即回教徒皆嗜好學問，——焚燒亞歷山大城希臘大圖書館者非回教徒，而實係耶教之教士——故當其統治西班牙時，西班牙人得與回教各國，甚至如遠東之波斯印度之文明相接觸。西班牙之大學，其學者之多，遐邇周知，其尤著即爲科多華（Cordova）。當歐洲文藝復興前二百餘年以前，歐洲開始恢復學問之時，其倡而導之者即西班牙人之功。

其在耶教國之北爲斯坎的那維亞各國，有善戰之勇士，與航海之文明，此即所謂諾斯人（Norze），諾斯人者意謂北方人也。在第九第十世紀之間，開始向各方推動。迨其侵略潮流之停止，在新區域如英格蘭，諾門地，與西昔利等處落居以後，彼輩攜來之生力，遂漸次表現於歐陸。至於東歐則有無數半開化之民族，此等民族尚在游牧狀態之下，因天然之變動，如收穫之欠豐，或雨水之失調，往往向其鄰近地方劫掠，於是使其鄰近民族更向西方人稠密之區推移，故東歐早期歷史多爲關於文明民族與野蠻民族之鬭爭。

此外尚有兩種現象——即威尼斯與羅馬教廷。威尼斯者於紀元後五五二年，羅馬人因避龍巴德人之侵入，遂逃至此淺湖，而建立爲城市。其所以奇特者，因其在西方諸城市中獨未受耶教國之限制，繼續與東方交易，且爲一自由之市，除與君士但丁堡之皇帝有隱約關係外，並無太上主人，實爲當時特殊之現象。不第此也，威尼斯亦爲